

ՔԱՂՈՒԱԾՆԵՐ ՍԻՆՕԴԻ ՕՐԱԴԻՐՆԵՐԻՑ

Հոկտեմբերի 6-ին թ. 606. Սինոդը լսելով Շամախու Կոնսիստորիայի 1908 թ. վիճակային և օտարին արգեանց մտից և ելից մատեանների և ապացուցաթղթերի քննութեան գործը՝ որոշեց. կանոնաւոր գտնելով Շամախու 1908 թ. վիճակային և օտարին գումարների հաշիւները՝ այս գործը Սինոդում կարճել և ժամանակին տալ դիւան պահելու:

Հոկտեմբերի 6-ին թ. 607. Սինոդը լսելով Վաղարշապատ գիւղի 1909 թ. բամբակի բահրան ժողովելու մասին № 63 գործը՝ որոշեց. որովհետեւ 1909 թ. բամբակի բահրան արդէն ժողովուած է և հաշիւը փակուած, ուստի այս գործը աւարտուած համարել:

Հոկտեմբերի 6-ին թ. 608. Սինոդը լսելով Եղուարդ գիւղի հողաբաժանութեան գործը՝ որոշեց. նախ՝ յանձնել երկրաչափ Ի. Մ. Մարուաշուիլուն Եղուարդի հողաբաժանութեան գործը վերջացնելը Կոմարովսկու կազմած մակարդակի համաձայն, տալով նրան այդ աշխատանքի համար երեք հարիւր ռուբլի իբրեւ վարձատրութիւն, սենեակ Եղուարդում՝ և մի ձի դաշտում՝ շրջելու համար. երկրորդ՝ պատուիրել Տ. Խաչիկ ծ. վարդապետին գնալ երկրաչափ Մարուաշուիլու հետ Եղուարդ, հսկել հողաբաժանութեան գործին և ստանալ գիւղացիներից, տարւոյս ապրիլի 9-ի թ. 247 օրագրական վճռի համաձայն, հողաբաժանութեան ծախքի կէսը՝ այն ցուցակի համեմատ, որ կստանայ Սինոդիցս. երրորդ՝ խնդրել էջմիածնի գաւառապետին և Աշտարակի Հաշտարար միջնորդին աջակցութիւն ցոյց տալ Տ. Խաչիկ ծ. վարդապետին և երկրաչափ Մարուաշուիլուն:

Հոկտեմբերի 11-ին թ. 614. Սինոդը որոշեց. հանել Մ. Աթոռի ներքին գանձարանից արժէթղթերի այն կըտրօնները, որոնց արժէքը պէտք է սաացուի առ 1-ն հոկ-

տեմբերի և յանձնել Մ. Աթոռի գանձապահին՝ պատուիրելով ստանալ Երևանի Պետական բանկից նրանց տոկոսները և ներկայացնել Սինոդին:

Հոկտեմբերի 21-ին թ. 615. Սինոդը որոշեց. հանել Մ. Աթոռի ներքին գանձարանից Ռուսական երկաթուղիների երաշխաւորեալ պարտաթղթերը, որոնց կտրօնները արդէն վերջացած են, 29 հատ՝ իւրաքանչիւրի արժէքը 650 ռուբ. և ութսուն և մի հատ՝ իւրաքանչիւրի արժէքը 115 ռուբ. այդ բոլորը յանձնել Մ. Աթոռի գանձապահին՝ պատուիրելով ուղարկել Ս. Պետերբուրգի դրամատունը փոխելու նորերի հետ:

Հոկտեմբերի 11-ին թ. 612. Սինոդը լսեց Վրաստանի Հայոց Թեմակալ առաջնորդի տարւոյս փետրուարի 23-ի № 351 յայտարարութիւնը, որի հետ ներկայացրել էր Սինոդին ի տնօրէնութիւն Տփլիսի ա. կարգի վաճառական Տիգրան և Իսահակ Կարապետեան Վարդանեանց եղբայրների յայտարարութիւնը, որի մէջ ասուած է, թէ նրանք ներկայացնում են առաջնորդին իրենց հանգուցեալ հօր Կարապետ Կօնեան Վարդանեանցի կտակի պատճէնը և 2 դրամատոմս Տփլիսի առևտրական դրամատան, որոնցից մէկը 20,000 ռուբ. № 40555 Վեհափառ Կաթողիկոսի անունով, իսկ միւսը 10,000 ռուբ. № 40556, առաջնորդի անունով, այդ փողից 20,000 ռուբլին պէտք է յանձնել Անգղիական դրամատունը Ամենայն Հայոց Կաթողիկոսի անունով ի մշտական շահեցողութիւն, իսկ $0\frac{0}{10}$ ստանալու են՝ 10 մաս Մուշի Ս. Կարապետ վանքի միաբանները, 50 մաս այդ վանքի դպրոցը, և 40 մաս որբերը և աղքատները վանահօր հայեցողութեամբ: Իսկ 10,000 ռուբլով պէտք է գնել մի անշարժ կալուած Տփլիսի Նորաշէնի Ս. Աստուածածին եկեղեցու անունով, այդ կալուածքի եկամտից $60\frac{0}{10}$ պէտք է ստանայ Մարիամեան օր. դպրոցը, $30\frac{0}{10}$ գործադրուի կալուածի նորոգութեան վերայ, իսկ եթէ աւելանայ՝ պէտք է գործադրուի դպրոցի չքաւոր աշակերտուհիների օգտին, իսկ $10\frac{0}{10}$ ստանալու է

նոյն եկեղեցու միաբանութիւնը, պարտաւորուելով տա-
րեկան երկու անգամ պատարագ մատուցանել և հոգե-
հանգիստ կատարել իրանց հանգ. հօր համար Սինօդը
որոշեց, պատուիրել Վրաստանի Հայոց կոնսիստորիային
կարգադրել, որ Տփլիսի նորաշէնի Ս. Աստուածածին եկե-
ղեցին ընդունի ի սեպհականութիւն նուիրաբերած կալ-
ուածը, որ գտնուում է Տփլիսի Ը. քաղաքամասում, և
որի համար արդէն ստացուած է Բարձրագոյն հաճութիւն:

Հոկտեմբերի 13-ին թ. 629. Սինօդը որոշեց, պատ-
ուիրել Երեւանի կոնսիստորիային տալ Լ. Յարութիւնեան-
ցին 1000 ռուբլի վիճակային արդիւնքից, ի հաշիւ Հառի-
ճոյ վանքի, իբրեւ փոխարինութիւն:

Հոկտեմբերի 15-ին թ. 633. Սինօդը որոշեց, Բջնու-
վարձակալ Աղաջան Թաղիանոսեանի հետ կապած պայ-
մանը համարել ոչնչացած, զիջանելով Թաղիանոսեանի
խնդրին, և պատուիրել վանական կառավարութեան նոր
աճուրդ նշանակել Բջնին վարձով տալու համար:

Հոկտեմբերի 15-ին թ. 639. Սինօդը լսելով Շամա-
խու կոնսիստորիայի տարւոյս ապրիլի 4-ի № 406 յայ-
տարարութիւնը Աննա Անդրէասեան Գրինվալդի նուիրա-
բերած 400 քառ. սաժ. հողի մասին, իբրեւ եկեղեցու շի-
նութեան տեղ, որոշեց, պատուիրել Շամախու կոնսիստո-
րիային ընդունել յիշեալ 400 քառ. սաժ. հողը, որ գտնու-
ում է Շամախում, համաձայն ներքին գործոց նախա-
րարութեան թոյլտուութեան:

Հոկտեմբերի 15-ին թ. 640. Սինօդը լսելով Վեհափառ
Կաթողիկոսի հոկտ. 6-ի № 2174 կոնդակը Մ. Աթոռի
միաբան Տաճատ վարդապետի խնդրի մասին, որոշեց,
ազատ համարել Տաճատ վարդապետ Մելքոնեանին Մ.
Աթոռի միաբանութիւնից և իսպառ արձակել նրան հո-
գեւոր կոչումից համաձայն իւր խնդրի:

Հոկտեմբերի 20-ին թ. 443. Սինօդը որոշեց, ի փո-
փոխումն Սինօդիս 1898 թ. մայիսի 28-ի շրջաբերական

հրամանի պատուիրել բոլոր կոնսիստորիաներին բացա-
տրել վիճակների քահանաներին նախ՝ որ արգելում է
այլադաւան քրիստոնեաների պսակ կատարելը Հայաստա-
նեայց եկեղեցու ծիսով, որովհետեւ X հատ. 1 մ. 65 յո-
դուածի իմաստի համաձայն հայ քահանայի ձեռքով կա-
տարուած այլադաւանների պսակը կարող է անվաւեր ճա-
նաչուել, երկրորդ՝ այլադաւան քրիստոնեաների մկրտու-
թեան վերաբերութեամբ առաջնորդուիլ Սինոդիս 1906 թ.
սեպտ. 25-ի № 1927—1931 և 1909 թ. նոյեմբերի 4-ի
№ 2585—2590 շրջաբերականներով, և երրորդ՝ այլադա-
ւան քրիստոնեաներին իրանց խնդրի համաձայն հայ քա-
հանները կարող են խոստովանեցնել, հաղորդել և ննջե-
ցեալներին թաղել, եթէ նրանց դաւանութեան որբազ-
նագործ պաշտօնեայ չլինի յիշեալ հոգեւոր պէտքերը կա-
տարելու վայրում:

Հոկտեմբերի 20-ին թ. 647. Սինոդը որոշեց. ի նկատ
առնելով, որ ինչպէս երևում է Աստրախանի կոնսիստո-
րիայի 1908 և 1909 թ. թ. մատեանների քննութիւնից,
թեմի վիճակային արդիւնքից յաւելեալ գումար է մնում՝
բոլոր ծախքերը ծածկելուց յետոյ, այլ և աչքի առաջ ու-
նենալով Մ. Աթոռի նիւթական վիճակը՝ պատուիրել Աս-
տրախանի կոնսիստորիային սոյն 1910 թ. վիճակային ար-
դիւնքից փոխադրել Սինոդիս անունով 600 ռուբլի իբրեւ
նպաստ Մ. Աթոռի ձեմարանի պահպանութեան համար և
սոյն նպաստը շարունակել ուղարկել ամեն տարի:

Հոկտեմբերի 20-ին թ. 648 Սինոդը լսելով Մ. Աթոռի
Տպարանի 1909 թ. ել և մտից հաշիւների քննութեան
գործը՝ որոշեց. Տպարանի Վարչութեան 1909 թ. հա-
շիւները կանոնաւոր գտնելով՝ այս գործը կարճել:

